



In dumënia ai 3 de October él gnü sughé la cuinta partida dl campionat 2010/2011 de 3° categoria por La Val. La partida é gnüda sugada fora de cïasa cuntra le Mühlwald (scuadra cunesciüda bel da agn, che combat cina al ultimo menüt). La partida è jüda fora 2 a 2. Na beliscima partida por la jënt che á ciaré pró.

La partida á metü man dër bun por La Val, che é atira buna da fá en bel jüch cun le pal bas y cun na bela velocitè. Deplü beles aziuns é gnüdes fates dai sogadusc da La Val, cun de bi crosc de Frenes Daniel y Frenes Michael, mo i defendusc da Mühlwald é tres bugn da trá demez la pala, denant che chi da La Val röi pormez. Frenes Michael á porvé cun na puniziun, mo le pal é jü dlungia porta ia. En tiro da lunc de Sottara Freddy ne é nia bun le portier da se tigní, Florian á atira porvé da salté cuntra le portier, mo ala fin él ciamó sté bun le portier da trá dmez. Bel avisa canche La Val éss podü fá le goal, ti vëgnel fischié en rigore decuntra. En atacant dl Mühlwald é gnü sciurè jö sön en contrast de cé te area. Insciö é Mühlwald che se porta in vantaje da mët man. Do da 10 min che La Val se á cïafé le goal ti gareta a Mühlwald en goal da metacampo sò. En gran tiro che röia sura le portier fora e bel avisa sot la traversa ite. Ti tēmp de 10 min é La Val fora de nia zoruch 2 a 0. Chësc eurogoal ti taia le giames ala squadra da La Val, che ne é nia plü buna da rovè te partida. Le prüm tēmp se stlüsç jö sön le 2 a 0 por le Mühlwald.

Tl secundo tēmp vá La Val te campo cun na gran convinziun da podëi oje la partida indò sön súa pert. Do da 15 min ti gareta a La Val le 2 a 1, cun Elzenbaumer Alex che é gnü baraté inte dô le prüm tēmp al post de Frenes Michael. Sön en bel passaggio de Rubatscher Romeo röia Alex da sú cuntra le portier, le defensur pro ciamó da fermé Alex cun na burta entrada da dô ite, mo Alex é ciamó bun da spizuré le pal te porta dlungia le palo ite. Chësc goal ti dá insciö indò forza y speranza ala squadra da La Val. La Val aumentëia le druch y röia insciö al pareggio cun Rubatscher Florian. Sön en bel passaggio de Frenes Daniel röia Alex Elzenbaumer te area che fesc en bel tiro, mo en defensiva é bun da blocché. Florian é scvelto y é insciö bun da mëter ciamó le pal te porta do la ribatuta. Tl recupero á ciamó La Val la poscibilitè da davagné la partida, Rubatscher Romeo atoca le palo interno cun en bel colp de testa. Le pal attraversëia ia

düta la riga de porta y röia ala fin sön le fondo. La partida se stlüscc jö sön le 2 a 2.

Chësc punt davagné porta La Val al 5° post te tlassifca.

La formaziun titolara dla partida:



In cürt ciamó les sostituziuns dla partida:

al 45 Elzenbaumer Alex por Frenes Michael

al 55° Verginer Franzi por Schuen Filippo

Por ciaré ala tlassifica y i resultać dles artres partidas clicca. [Resultać y tlassifica](#)